

唐寫文選集注殘本

文選卷第百十六 梁昭明太子撰 集注

碑二 蔡伯喈陳仲弓碑文一首 并序

王仲寶褚洌碑文一首 并序

陳太丘碑文一首 并序 ○鈔曰後漢書陳寔字仲弓潁川許昌人也出於單微自爲兒童唯在戲弄等類所歸虛靈帝初大將軍竇武辟以爲屬年八十四卒海內赴者三萬人制袞麻百數謚爲文範先生也李周翰曰陳寔爲太丘令也陸善經曰太丘今燕郡永城東北也

蔡伯喈

先生諱寔字仲躬潁川許人也 ○李善曰范曄後漢書潁川郡有許縣魏志曰文帝黃初二年改許縣爲許昌縣然蔡雍之時惟有許縣

今或云許昌非也○舍元精之和應期運之數○李喜曰易通卦驗
曰太皇之先興耀含元精論衡曰天稟元氣人受元精孟子謂充虛
曰五百年必有王者興其間必有名世者由周而來七百有餘歲矣
當今之世舍我而誰也音決應於證反數史具反吕向曰元精大道
也期運之數謂應五百年而生賢之數也○兼資九德懋脩百行○
李喜曰尚書咎陶曰亦行有九德禹曰何咎陶曰寬而栗柔而立恩
而恭亂而敬擾而毅直而溫東而廉剛而塞彊而誼孔臧與從弟書
曰學者所以飾百也鈔曰孝經鉤命決曰引興摘暴一字管百行音
決行下孟反張銑曰咎繇有九德君子有百行也今案鈔資爲咎○
於卿黨則恂恂焉斌斌焉喜誘喜導仁而愛人○李喜曰論語曰孔

子於鄉黨恂恂如也又曰文質彬彬然後君子善誘已見郭有道碑
太論語曰樊遲問仁子曰愛人也鈔曰王肅論語注曰恂恂溫恭之
貌論語夫子循循然善誘人何晏曰誘進也音決恂恂荀荀二音斌布
貧及劉良曰恂恂和樂貞斌斌文質貞○使夫少長咸安懷之○李
善曰論語曰老者安之少者懷之鈔曰何晏論語注曰懷歸也音決
少失煦及長丁丈反○其爲道也用行舍藏進退可度○李善曰論
語子謂顏淵曰用之則行舍之則藏孝經曰進退可度鈔曰孔安國
論語注曰可行則行可止則止音決舍音捨呂延濟曰言其道德用
之於時則行舍之則藏其進退之礼可爲法度○不微訐以干時不
遽越以臨下○李善曰論語子貢曰君子有惡乎子曰惡訐以爲直

者又哀公問弟子孰爲好學孔子對曰有顏回者好學不遷怒鈔曰
論語曰賜惡徼以爲智者孔安國曰徼抄也抄人之意以爲己有也
党氏論語注曰許謂攻發人之陰私也何晏論語注曰凡人任情善
惡違理顏淵任道怒不過分遷移也怒當其理不移易也音決徼古
先反許居歇反李周翰曰徼徼名許許發人之罪也于亂也遷怒謂
移怒於人也○四爲郡功曹五辟豫州六辟三府再辟大將軍宰聞
喜半歲太丘一年○鈔曰辟豫州豫州刺史召之也大將軍何進也
宰聞喜爲聞喜令也太丘爲太丘長也音決辟必亦反下同陸喜經
曰後漢書云司空黃瓊辟選治劇補聞喜長白月以暮喪去官復再
遷除太丘長脩德清靜百姓安治以沛相賦歛違法乃解印去吏人

精苞靈曜之純○李善曰孝經搜神契曰五嶽之精雄聖四瀆之精
仁明又鉤命決曰五嶽吐精宋均曰吐精生聖人也靈曜謂天也尚
書緯有考靈曜李周翰曰靈曜謂天地也純和也○天不慙遺老俾
屏我王○李善曰左氏傳孔丘卒公諫之曰昊天不予不慙遺一老
俾屏余一人以在位鈔曰毛詩十月之交詩曰不慙遺一老俾守我
王鄭玄慙者心不欲強之詞也言書將舊在位之人與之去無留衛
守我王也杜預左傳注曰慙且也音決慙魚靳反屏必井反李周翰
曰慙傷也俾使也遺老老臣也言上天不傷惜此老臣使屏弃我天
子而死也○梁崩哲姜于時靡慙○李善曰禮記曰孔子早作負手
曳杖逍遙於門歌曰泰山其頽乎梁木其壞乎鈔曰鄭玄禮記注曰

梁木衆木之所依也哲人亦衆人之所仰依以上二句喻之姜病也
詩曰無木不萎也音決姜於危反李周翰曰孔子將卒而自歌曰梁
木其壞乎哲人其萎乎壞則崩也哲智姜死也靡無憲法也言智人
既死於今時無可以爲法則也○楷紳儒林論德謀跡謚曰文範先
生○李善曰漢書有儒林傳○傳曰郁郁乎文哉○李善曰論語文
也○書曰洪範九疇彝倫攸叙○李善曰尚書箕子謂武王曰天乃
錫禹洪範九疇彝倫攸叙也鈔曰孔安國尚書注曰天與禹浴出書
也神龜負文而出列背有數至於九禹遂因而第之以成九類故常
道所以順叙也洪大範法也○文爲表德範爲士則存誨沒號不亦
宜乎○呂向曰言存亦以文範教誨於人而沒後亦以爲號亦爲宜

機而作不俟終日鈔曰王弼周易注曰幾者事之微吉凶之先見也
呂向曰俟待也言事必見機不待終日而隨事通變○及文書赦宥
時年已七十遂隱丘山懸車告老○李善曰漢書曰薛廣德乞骸骨
賜安車駟馬懸其安車傳子孫左氏傳曰晉韓獻子告老杜預曰告
老致仕也鈔曰孝經曰終於立身鄭玄曰臣年七十耳目不聰明行
步不及速退就田里懸車致仕也音決宥音又張銑曰文書赦宥謂
天子詔赦罪人也宥寬也懸車謂其所乘之車懸而不復乘也○四
門備礼開心靜居○李善曰尚書曰賓于四門四門穆穆鈔曰孔安
國尚書注曰四門四方門也此言四門皆備礼以迎求之也劉良曰
四門四方也閑閑也言當時在位者皆欲徵賢良於四方而備脩東

帛之礼來聘先生先生開心靜居終不復應也○大將軍何公司徒
袁公前後招辟使人曉喻云欲特表便可入踐常伯超補三事紆佩
金紫光國垂勲○李善曰范曄後漢書曰大將軍何進司徒袁滂遣
人敦寔欲特表以不次之位寔謝使者應劭漢官儀曰侍中周官號
曰常伯選於諸伯言其道德可常尊也環濟要畧曰侍中古官或曰
風后爲黃帝侍中周時號曰常伯秦始復故三事已見郭有道碑文
漢書曰大司徒大司馬大司空皆金印紫綬李周翰曰特表謂獨出
常調擢用之也常伯令之侍中也三事三公也紆繫佩帶也三公皆
帶金印繫以紫綬言此可以光國家垂大功也勲功也○先生曰絕
望已久飾巾待期而已皆遂不至○李善曰列子林類曰吾老無妻

子死期將至鈔曰中野人之服飾之待期而已也呂向曰不就所辟而謂使者云絕仕官之望已久今但慙飾衣服待期而終至赴也○弘農楊公東海陳公每在衮職羣寮賀之皆舉手曰潁川陳君絕世超倫大位未躋慙於威文竊位之負○李善曰范曄後漢書曰太尉楊賜司徒陳耽每拜公卿群寮畢賀賜等常歎寔大位未登愧於先之衮職謂三公也周禮曰三公自衮冕而下論語子曰威文仲其竊位者與知柳下惠之賢而不與立之鈔曰爾雅躋升也音決衮古本反寮力彫反躋子方反張銑曰舉手謂指麾而言也躋登也臧文仲爲魯大夫知柳下惠賢而不舉之孔子以爲竊位故楊陳二公慙負此名也○故時人高其德重乎公相之位也○音決相息高反陸善

經曰言重公相之位思以居其人也○年八十有三中平三年八月
丙午遭疾而終臨沒顧命留葬所卒○李善曰范曄後漢書中平靈
帝年號也孔安國尚書傳曰臨終之命曰顧命也劉良曰顧命謂遺
令也留葬所卒謂遺令葬於所卒之地不歸本屬故也○時服素棺
柳財周櫬喪事唯約用過乎儉○李善曰周易曰裒過于哀用過于
儉鈔曰櫬親身棺也音決榔音郭櫬楚陣反過古卧反呂延濟曰財
纔也○群公百寮莫不咨嗟巖數知名失聲揮涕○李善曰禮記曰
內人行哭失聲家語曰公父文伯卒敬姜曰無揮涕王肅曰揮流涕
以手揮之也○將軍予祠錫以嘉謚○李善曰范曄後漢書曰何進
遣使予祭令案鈔陸善經本將上有大字○曰徵士陳君稟嶽瀆之

精苞靈曜之純○李善曰孝經搜神契曰五嶽之精雄聖曰瀆之精
仁明又鉤命決曰五嶽吐精宋均曰吐精生聖人也靈曜謂天也尚
書緯有考靈曜李周翰曰靈曜謂天地也純和也○天不慙遺老俾
屏我王○李善曰左氏傳孔丘卒公諫之曰昊天不予不慙遺一老
俾屏余一人以在位鈔曰毛詩十月之交詩曰不慙遺一老俾守我
王鄭玄慙者心不欲強之詞也言書將舊在位之人與之去無留衛
守我王也杜預左傳注曰慙且也音決慙魚靳反屏必井反李周翰
曰慙傷也俾使也遺老老臣也言上天不傷惜此老臣使屏弃我天
子而死也○梁崩哲姜于時靡慙○李善曰禮記曰孔子早作負手
曳杖道遙於門歌曰泰山其頽乎梁木其壞乎鈔曰鄭玄禮記注曰

梁木衆木之所依也哲人亦衆人之所仰依以上二句喻之姜病也
詩曰無木不萎也音決姜於危反李周翰曰孔子將卒而自歌曰梁
木其壞乎哲人其萎乎壞則崩也哲智姜死也靡無憲法也言智人
既死於今時無可以爲法則也○摺紳儒林論德謀跡謚曰文範先
生○李善曰漢書有儒林傳○傳曰郁郁乎文哉○李善曰論語文
也○書曰洪範九疇彝倫攸叙○李善曰尚書箕子謂武王曰天乃
錫禹洪範九疇彝倫攸叙也鈔曰孔安國尚書注曰天與禹浴出書
也神龜負文而出列背有數至於九禹遂因而第之以成九類故常
道所以順叙也洪大範法也○文爲表德範爲士則存誨沒號不亦
宜乎○呂向曰言存亦以文範教誨於人而沒後亦以爲號亦爲宜

也陸善經曰言存務誨物故沒有美号也○三公遣令史祭以中牢
音決令力政反陸善經曰中牢羊豕也○刺史敬弔太守南陽曹府
君命官作諫曰赫矣陳君命世是生○李善曰廣雅曰命名也李陵
書曰信命世之才張銑曰赫威也○含光醇德爲士作呈○李善曰
孔安國書傳曰醇粹也毛萇書傳曰呈法也劉良曰醇厚也○資始
既正守終又令○李善曰周易曰萬物資治史說祭公謀父曰大戎
率舊德而守終純固鈔曰呈法也言含其光華復有醇美之德堪爲
世上之法則也音決醇音淳五家令平聲叶韻陸善經曰資始資生
之始謂立身也今案鈔五家本呈爲程○奉礼終沒休矣清聲○音
決聲協韻音聖李周翰曰奉礼終沒謂奉先聖礼教存約儉而葬也

休美也○遣官屬掾史前後赴會刊石作銘○呂向曰刊刻也○府丞與比縣會葬○荀慈明韓元長等五百餘人○李善曰范曄後漢書曰荀爽字慈明獻帝拜爲司空又曰韓融字元長獻帝初官至太僕音決掾以綃反下同刊音看比音毗○總麻設位哀以送之○李善曰喪服傳曰總者十五外布鄭玄曰謂之總者縷細絲也孝經曰哀以送之音決總音思○遠近曾葬千人以上河南尹种府君臨郡○李善曰謝承後漢書曰劉翊潁川人也河南尹种拂嘗來臨郡翊爲主簿迎之拂到官深敬待之然种府君即拂音決上時兩反种直中反陸善經曰謝承後漢書种府君名拂种嵩之子种與仲同令案陸善經本無尹字張銑曰河南尹种拂也○追歎功德述錄高行以爲

遠近鮮能及之○劉良曰遠近古今也鮮少也○重部大掾以時成
銘○鈔曰毛詩曰高山仰之景行行之毛傳景明也言古人有高德
者仰則慕之有明行者明而行之音決行下孟反鮮思輦反重直用
反呂延濟曰言重使部內大掾爲銘也○斯可謂存榮沒哀死而不
朽者已○李善曰論語子貢曰夫子其生也榮其死也哀不朽已見
郭有道碑○乃作銘曰峨峨崇嶽吐符降神○李善曰上林賦曰南
山峨峨毛詩曰維嶽降神生甫及申李周翰曰五岳之精吐其符應
降其神靈乃先生也○於皇先生抱寶懷珍○鈔曰於歎美之辭音
決於音烏呂向曰於皇歎美之辭也寶珍喻道德也○如何昊穹既
喪斯文○李善曰論語子曰文王既没文不在茲乎天之將喪斯文

也後死者不得與斯文也音決喪息浪反張銑曰昊穹天也斯文謂先生也謂其有文德故也○微言圯絕來者曷聞○李善曰微言已見郭有道碑文序幽通賦曰將圯絕而罔階音決圯步美反劉良曰微言道也圯毀也來者謂後人也曷何也○交交黃鳥爰集於棘○李善曰毛詩國風文也喻仕於亂時也呂延濟曰交交小兒黃鳥詩篇名哀三良也言其只小集於棘林得其所也喻人以壽終亦得所也○命不可贖哀何有極○李善曰毛詩曰如可贖矣人百其身鈔曰詩注曰如此奄息之死可以他人贖之者人皆百身謂一身百死猶爲之惜善人之甚也音決贖時燭反李周翰曰言人命有分一死不可復生不可以重寶財物以贖取生人哀何有窮盡也